



## Naalackersuisut Siulittaasuat

Ulloq: 9. oktober 2013

J.nr.: 01.31.11-00013

### TUAVIORTOQ

**Aningaasaqarnermut Akileraartarnernullu Ataatsimiititaliap ataasinngornermi ulloq 14. oktober 2013, nal. . 12.00 ataatsimiittarfik 1-mi Naalackersuisumik apersuinissaanut aggeqqusissut.**

2014-imi aningaasanut inatsisissatut siunnersuummut tunngasumik Aningaasaqarnermut Ataatsimiititaliap Naalackersuisumik apersuinissaanut matumuuna aggersaasoqarpoq. Aggeqqusissuummut tunngaviuvoq 2014-imi aningaasanut inatsisissatut siunnersuummut Aningaasaqarnermut Ataatsimiititaliap apeqqutaanut Naalackersuisut akissutaat.

Naalackersuisumik apersuineri makku oqaluuserineqarnissaat ataatsimiititaliamit kissaatigineqarput:

#### **Apeqqut 1**

##### Apeqqummut tunuliaqutaasooq:

Apeqqut 3.15-imut Naalackersuisup akissutaa aktieselskabini Namminersorlutik Oqartussanit pigineqartuni anginerni tallimani ineriartornermut tunngasoq.

##### Naalackersuisumik apersuineri akineqartussatut Aningaasaqarnermut Ataatsimiititaliap apeqqutaa:

- a) Pisortat aallaavittut isigalugu nioqqutissanik nunatsinneersunik pisisassasut najukkamilu suliffeqarfiit sullississutaannik atuisassasut naalackersuisooqatigiit isumaqatigiissutaanni allassimavoq. Ingerlatseqatigiiffiit Namminersorlutik Oqartussanit pigineqartut najukkani nioqqutissianik sullississutinillu aamma pisisarnissaannut, taamaalillutillu sipaaruteqartoqarnissaanut najukkanilu suliffeqarfiit qulakkeerneqarnissaannut peqataataanissaannut, Naalackersuisut isumaat ataatsimiititaliamit tusarumaneqarpoq.

#### **Apeqqut 2**

##### Apeqqummut tunuliaqutaasooq:

Apeqqut 5.3-mut Naalackersuisup akissutaa konto pingaarnermut 10.13.10-mut tunngasoq.

##### Naalackersuisumik apersuineri akineqartussatut Aningaasaqarnermut Ataatsimiititaliap apeqqutaa:

- a) Iluanaarutissatut missingikkanut takussutissiap danskisuuani kalaallisuuani lu kisisit siuliagut naqinnerit assigiinngitsut atorneqarmata ataatsimiititaliamit erseqqissaatigineqassaaq.

### **Apeqquut 3**

#### Apeqquummut tunuliaqutaasoq:

Apeqquut 5.6-imut Naalakkersuisup akissutaa konto pingaarneq 10.19.04-mut tunngasoq.

#### Naalakkersuisumik apersuinermi akineqartussatut Aningaasaqarnermut Ataatsimiititaliap apeqquutaa:

- a) Asiame pinnani USA-mi aallartitaqarfimmik pilersitsinissamut Kalaallit Nunaata USA-llu akornanni aningaasaqarnikkut attuumassuteqaataasut sordiaat tunngaviunersut akineqassasoq ataatsimiititaliamit kissaatigineqarpoq.
- b) Washington D. C.-mi aallartitaqarfimmik pilersitsinissap pisariaqarnera ataatsimiititaliamit takuneqarsinnaanngilaq. Kalaallit Nunaata avammut tunisaasa eqquussugaa-salu USA-mut, Canadamut, EU-mut Ruslandimut, Japanimut asiamilu nunat sinne-rinut qanoq agguataarsimanerat ataatsimiititaliamit paaserusunneqarpoq. Nioqqu-tissat sullississutillu pingaarnert tallimat kiisalu taakkku katinnerat pillugit nalunaar-sukkamik suliaqarnissaq naammappoq.
- c) Aammattaaq ukiuni aggersuni procentikkaartumik agguataarneqarnissaannut qanoq naatsorsuutiginnittoqarnersoq paasissutissiissutigineqassasoq ataatsimiititaliamit kissaatigineqarpoq.
- d) Piffinni siuliani taaneqartuni niuernikkut aporfittut annertunerpaatut suut Naalakker-suisunit isigineqarpat?

### **Apeqquut 4**

#### Apeqquummut tunuliaqutaasoq:

Apeqquut 5.9-mut Naalakkersuisup akissutaa konto pingaarneq 12.01.01-imut tunngasoq.

#### Naalakkersuisumik apersuinermi akineqartussatut Aningaasaqarnermut Ataatsimiititaliap apeqquutaa:

- a) Københavni kalaallit aallartitaqarfianni aalajangersimasumik atorfeqartut allatullu tassunga atasumik sulisuusut qassiunersut paasissutissiissutigineqassasoq ataatsimiititaliamit kissaatigineqarpoq.

### **Apeqquut 5**

#### Apeqquummut tunuliaqutaasoq:

Apeqquut 5.10-mut Naalakkersuisup akissutaa konto pingaarneq 12.01.11-mut tunngasoq.

#### Naalakkersuisumik apersuinermi akineqartussatut Aningaasaqarnermut Ataatsimiititaliap apeqquutaa:

- a) Namminersorlutik Oqartussat inissiaataanni kikkut unnuinersut apeqquutaanersoq paasissutissiissutigineqassasoq ataatsimiititaliamit kissaatigineqarpoq?

Naalakkersuisumik apersuinermini allanik aamma apeqquuteqarnissani ataatsimiititaliap naatsorsuutigaa.

-----

Ataatsimiititaliap Naalakkersuisumik apersuinerata Naalakkersuisup ataatsimiititaliallu akor-

nanni pingaarnersiuilluni tulleriarinerit anguniakkallu pillugit naalackersuinnermut tunngasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalackersuisumik apersuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalackersuisumik apersuinerata kinguninngua uunga nassiunneqarnissaa qinnutigineqarpoq: [sakkak@ina.gl](mailto:sakkak@ina.gl). Allakkiaq ataatsimiititaliap Naalackersuisumik apersuinissaanut nassarneqarpat atorneqarpallu taasuma nuutinnera ataatsimiititaliap Naalackersuisumik apersuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

**Inussiarnersumik inuulluaqqusillunga**



Finn Karlsen  
Ataatsimiititaliap siulittaasua